



東國通鑑

十之十一

共三十一

U 6
4060
6



門976
號4060
卷31-1

甲午



東國通鑑卷之十

新羅紀

孝昭王

諱理洪神文王之子母神穆王后金氏在位十年壽十六

三年

唐嗣聖十一年

夏四月金仁問卒于唐武后震

悼贈祔加等命司禮寺大醫署令陸元景等

送柩王追贈太角干命有司葬于京西原

仁問七八唐宿衛凡二十二年○冬築松岳

牛岑二城



戊戌

己巳

庚子

壬寅

七年唐嗣聖五年春三月日本國遣使來聘○夏六月震皇龍寺塔○秋武后進高寶元左鷹揚衛大將軍更封忠誠國王賜統安東舊部不行

八年唐嗣聖六年秋兵庫中鼓角自鳴○武后以

高臧孫德武為安東都督

九年唐嗣聖七年夏五月伊奘慶永謀叛伏誅

十年唐嗣聖八年夏五月靈巖郡太守諸逸貪污

杖流海島

十一年唐嗣聖九年秋七月王薨無嗣國人立其

新羅聖德王

弟隆基上謚曰孝昭○武后聞王薨為之舉哀輟朝二日遣使吊慰冊新王為新羅王仍襲將軍都督之號○九月赦復諸州郡一年租稅

聖德王

諱隆基改曰興光孝昭王母弟在位

三十五年

二年唐嗣聖十年秋九年靈廟寺災

三年唐嗣聖十一年夏五月王納蘇判金元泰女

為妃○以金大問為漢山州都督

癸卯

甲辰

巳乙

亥辛未丁

子壬

四年唐神龍元年冬十月國東州郡饑人多流亡

數使賑恤

六年唐景龍元年春正月民多饑死給租賑之

十年唐睿宗景雲二年冬十一月王製百官箴示羣

臣

十一年唐大極元年春唐遣盧元敏勅王改名改

以興光避帝諱也○秋八月封金庾信妻金

氏為夫人時夫人落髮為尼王曰今中外平

安高枕無憂太夫角干之賜也夫人儆戒相

成陰功亦多寡人未嘗忘于心思欲報之命

新羅聖德王

歲賜南城租一千石

十二年唐玄宗開元元年春置典祀署屬禮部○冬

十月唐詔冊王為驃騎將軍特進行左威衛

大將軍使持節大都督鷄林州諸軍事鷄林

州刺史上柱國樂浪郡公新羅王○唐以大

祚榮為渤海郡王渤海本粟末靺鞨即高句

麗別種祚榮父乞乞仲象與其徒渡遼水保

太白山東仲象死祚榮嗣驍勇善騎射高句

麗餘燼稍稍歸之乃建國自號震國王遣使

交突厥地方五千里戶十餘萬勝兵數萬頗

丑癸

寅甲

知書契盡得扶餘沃沮弁韓朝鮮諸國中宗
時遣子入侍至是拜為左驍衛大將軍渤海
郡王以所統為忽汗州領忽汗州都督自是
始去鞮鞞彌專稱渤海
十三年唐開元二年春二月改詳文司為通文博
士掌詞命○遣王子守忠入唐宿衛帝賜宅
及帛以寵之又賜宴于朝堂○閏二月遣級
飡朴裕朝唐帝授朝散大夫貞外奉御○冬
十月遣使如唐帝賜宴于內殿勅宰臣及四
品已上清官預焉

新羅聖德王

巳

午戊

未巳

亥癸申庚

十六年唐開元五年秋九月太監守忠回自唐上
文宣王十哲七十二弟子畫像命置大學
十七年唐開元六年春二月王巡撫國西州郡親
問高年及鰥寡孤獨賜物有差○夏六月震
皇龍寺塔○始造漏刻置漏刻典博士
十八年唐開元七年春渤海郡王太祚榮率私謚
曰高王子武藝立斤大士宇東北諸夷畏服
之○秋九月震金馬郡彌勒寺
十九年唐開元八年命修皇龍寺塔
二十二年唐開元十一年春三月王遣使如唐獻美

女抱貞貞菟抱貞奈麻天孫之女貞菟大舍
忠訓之女具裝束遣之帝曰女皆王姑姊妹
違親屬別卿國朕不忍留厚賜還之

二十三年

唐開元十二年

春立子承慶為太子大赦

○二月遣金武勳如唐賀正武勳還帝勅曰
卿每承正朔朝貢闕庭言念所懷深可嘉尚
又得所進雜物等並踰越滄波跋涉草莽物
既精麗深表卿心今賜卿錦袍金帶及綵素
共二千匹以答誠獻至宜領也

二十五年

唐開元十四年

唐以渤海大門藝為大驍

衛將軍初黑水靺鞨使者朝唐帝以其地建
黑水州置長史武藝召其下謀曰黑水始假
途於我與唐通今請唐官不吾告是必與唐
謀攻我也乃遣弟門藝發兵擊黑水門藝曰
黑水請吏而我擊之是背唐也唐大國兵萬
倍我與之產怨我且亡昔高句麗盛時士三
十萬抗唐為敵可謂雄疆唐兵一臨掃地盡
矣今我衆比高句麗三之一王將違之無乃
不可乎武藝不聽強遣之門藝懼奔唐詔拜
左驍衛將軍武藝使使暴門藝罪惡請誅之

戊辰

庚午

有詔處之安西好報曰門藝窮來歸我誼不可殺已投之惡地并留使者不遣詔李道邃諭旨武藝知之上表曰大國當示人以信豈得為此欺誑帝以道邃等漏洩左遷之暫遣門藝詣嶺南以報之

二十七年

唐開元十六年

秋七月遣王弟嗣宗朝唐

兼表請遣子弟入國學詔許之授嗣宗果毅仍留宿衛

二十九年

唐開元十八年

春二月遣王族志滿如唐

貢獻帝授志滿太僕卿賜絹一百匹紫袍錦

新羅聖德王

辛未

帶仍留宿衛

三十年

唐開元十九年

春二月遣金志良入唐賀正

帝授太僕少卿貞外置賜帛六十四匹還之降詔曰卿二明慶祚三韓善隣時稱仁義之鄉代著勲賢之業文章禮樂闡君子之風納款輸忠效勤王之節固藩維之鎮衛諒忠義之儀表豈殊方悍俗可同年而語耶加以慕義克勤述職愈謹梯山航海無倦於阻脩獻幣貢琛有常於歲序守我王度垂諸國章乃眷懇誠深可嘉尚今使至知嬰疾苦不遂抵命

言念遐闊用增憂勞時候暄和想痊復也今賜卿綾綵五百匹帛二千五百匹宜即領取○日本國以兵船三百艘寇東邊王命將擊破之

酉癸

三十二年唐開元二年秋七月帝以渤海靺鞨

越海入寇登州遣太僕員外郎金思蘭歸仍授王開府儀同三司寧海軍使發兵擊渤海南鄙諭曰靺鞨渤海外稱藩翰內懷狡猾今欲出兵問罪卿亦發兵為掎角帝又曰聞舊將金庾信孫允中之賢可為將遣之仍賜允

新羅聖德王

中金帛於是王命允中等四將率兵會唐軍伐渤海會大雪文餘山路阻隘士卒死者過半無功而還思蘭本王族先因入朝恭謹有禮因留宿衛及是乃還王以允中庾信嫡孫擢為大阿飡寵遇之王親屬頗嫉之王嘗登月城與從官置酒為樂召允中與焉左右曰今宗室戚里豈無可人而獨召疏遠之臣臣等竊恠之王曰今寡人與卿等共享大平庾信之功也若遐棄之非善善及子孫之義也遂賜允中坐語庾信勲烈賜絕影山馬一匹

戊甲

○冬十二月遣王姪志廉如唐謝恩初帝賜
王白鸚鵡雄雌各一隻及紫羅繡袍金銀鈿
器物瑞文錦五色羅線共三百餘段至是上
表陳謝

三十三年

唐開元二年

春正月王教百官入北

門進言○金忠信入唐宿衛為左領軍衛真
外將軍上表曰臣奉進止令臣執節本國護
兵討除鞞鞞有事續奏者臣自奉聖旨誓將
致命當此之時為替人金孝方身亡便留臣
宿衛臣本國王以臣久侍天庭更遣從姪志

新羅聖德王

廉代臣今已到訖臣即合還每思前所奉進
止無忘夙夜陛下先有制加本國王興光寧
海軍大使錫之旌節以討凶殘皇威載臨雖
遠猶近君則有命臣不敢祗承蠢爾夷倖計
已悔禍然除惡務本布憲惟新故出師義貴
乎三捷縱敵患貽於數代伏望陛下因臣還
國以副使假臣盡將天旨再宣殊裔豈惟斯
怒益振固亦武夫作氣必傾其巢穴靜此荒
隅效毛髮之功答雨露之施臣所望也帝許
焉○夏四月遣大臣金端竭丹如唐賀正帝

宴見於內殿授衛尉少卿賜緋襪袍平漫銀帶及絹六十匹又授志廉鴻臚少卿貞外置三十四年唐開元二年春遣金義忠如唐賀正二月副使金榮在唐卒贈光祿少卿義忠回勅賜涇江以南地

三十五年唐開元二年夏六月遣使如唐賀正仍附表陳謝曰伏奉恩勅賜涇江以南地境臣生居海裔沐化聖朝雖丹素為心而功無可效以忠貞為事而勞不足賞陛下降雨露之恩葭日月之詔錫臣土境廣臣邑居遂使

新羅聖德王

墾闢有期農桑得所臣奉絲綸之旨荷榮寵之深粉骨糜身無由上答

三十六年唐開元二年春二月王薨太子承慶

立上謚曰聖德

孝成王

諱承慶聖德王第二子母昭德王后

在位五年

二年唐開元二年春二月帝聞王薨悼惜久之

遣左贊善大夫邢璣來吊祭贈太子太保且

冊嗣王為開府儀同三司新羅王璣將發帝

製詩序太子以下百寮咸賦詩以送帝謂壽
曰新羅號為君子之國頗知書記有類中國
以卿惇儒故持節往宜演經義使知大國儒
教之盛又以國人善碁詔率府兵曹參軍楊
季膺為副國之高手皆出其下於是王厚贈
壽等金寶藥物夏四月邢壽以老子道德經
等書獻於王

權近曰壽之來也帝稱為惇儒宜演經義
使知大國儒教之盛而壽之所獻于王乃
老子道德經也帝以壽誇示儒教之盛又

新羅學成王

使善弈者副之何歟晉崇老氏虛無之道
又以碁弈廢事為高致遂使神州陸沈今
玄宗復蹈其轍其能免天寶之亂乎

三年

唐開元七年

春正月中侍義忠卒以伊霍

信忠代之王在潛邸嘗與信忠圍碁於栢樹
下謂曰他日我不忘汝汝亦不改貞操所有
負者有如此栢未幾王即位錄功臣而遺信
忠信忠作歌貼於栢樹樹忽枯王怪使審之
得歌大驚曰幾忘乎角弓矣召賜信忠爵栢
乃蘇○夏五月以波珍養憲英為太子憲英

辰庚

王同母弟也王無嗣立為太子

四年唐開元二年秋八月波环食永宗謀叛伏

誅先是永宗女入後宮王絕愛之息渥日甚

王妃嫉妬與族人謀殺之永宗怒王妃宗黨

遂叛

六年唐天寶元年夏五月王薨太子憲英立上謚

曰孝成以遺命燒柩於法流寺南散骨東海

○冬十月日本國使至不納

景德王

諱憲英孝成王母弟孝成無嗣立為

新羅孝盛王

未癸

太子在位二十三年

二年唐天寶二年春唐遣贊善大夫魏曜來吊祭

仍冊王為新羅王開府儀同三司使持節大

都督鷄林州諸軍事兼充持節寧海軍使并

賜御注孝經一部○夏四月立金氏為妃舒

弗邯金義忠之女也○冬十二月王遣弟如

唐賀正授左清道率府貲外長史賜綠袍銀

帶還之

四年唐天寶四年春正月以伊飡金思仁為上大

等

酉乙

丙戌

五年唐天寶五年夏四月赦賜脯度僧一百五十

人

六年唐天寶六年春正月改執事省中侍為侍中

置國學諸業博士助教

權近曰周之文武建學設教始於定都之初以顯貽孫之謀以致作人之効教化大行而民咸服新羅有國三十代至神文王元年始置國學聖德王十五年太監守忠入中國求文宣王諸弟子畫像以來二十六年王弟金嗣宗請子弟入學景德王五

新羅景德王

戊子

年始置諸博士其時強首薛聰輩通曉義理以方言講九經訓導後學為東方一時之傑而其季葉有崔孤雲者精敏好學游於中國同時儕輩咸稱其文章可謂尚友天下士矣新羅在三國時文獻可稱然當初立國政令制度不本文教其後雖慕華風僅有一二之可觀者嗚呼亦晚矣

三月震真平王陵○冬民饑且疫遣使十道安撫

七年

唐天寶七年

秋始置貞察一員糾正百官

八年

唐天寶八年

春三月置天文博士一員漏刻

博士六員

十三年

唐天寶十三年

鑄皇龍寺鍾長一丈三寸厚

九寸重四十九萬七千五百八十一斤

十四年

唐天寶十四年

旌孝子向德門向德熊川州

板積鄉人也父善天資温良鄉里推其行向

德亦以孝稱時年荒疫癘父母飢病濱死向

德日夜不解衣盡誠安慰無以為養則割髀

肉食之母發癰向德吮之即愈王嘉之賜租

三百斛宅一區口分田若干命有司立石紀

新羅皇德三

事後人誦其地云孝家里

金富軾曰宋祈唐書云善乎韓愈之論曰

父母疾烹藥餌以是為孝未聞毀支體者

也苟不傷義則聖賢先衆而為之是不幸

因而且死則毀傷滅絕之罪有歸矣安可

旌其門以表異之雖然委巷之陋非有學

術禮義之資能忘身以及其親出於誠心

亦足稱者故列焉則善向德者亦可書者

乎

秋七月赦存問鰥寡孤獨老疾賜穀有差

東益十一

丙申

十五年唐天寶十五年春二月上大等金思仁以災異屢見上疏極論時政得失王嘉納之○遣使朝帝于蜀使沂江至成都帝親製十韻詩手扎賜王曰嘉新羅王歲修朝貢克踐禮樂名義賜詩一首其詩曰四維分景緯萬象含中樞玉帛遍天下梯航歸上都緬懷阻青陸歲月勤黃圖漫漫窮地際蒼蒼連海隅興言名義國豈謂山河殊使去傳風教人來習典謩衣冠知奉禮忠信識尊儒誠矣天其鑑賢哉德不孤擁旄同作牧厚貺比生芻

益重青青志風霜恒不渝

臣等按

新羅去西蜀不知其幾千萬里而

能遣使朝之其使亦能間關道里得達其主之誠至於感動帝意賜詩崇獎可謂得使乎之體矣梁大清中百濟使者至梁見城闕殘毀號泣於端門外見者莫不灑淚今併二事觀之中國之謂東方詩書禮義之邦者盖有由矣惜乎二使之名俱不見於史策也

丁酉

十六年唐至德二年冬十二月置九州改郡縣名

以沙伐州為尚州領州一郡十縣三十軟良
州為良州領州一小京一郡十二縣三十四
普州為康州領州一郡十一縣二十七漢山
州為漢州領州一小京一郡二十七縣四十
六首若州為朔州領州一小京一郡十一縣
二十七西州為溟州領州一郡九縣二十五
熊川州為熊州領州一小京一郡十三縣二
十九完山州為全州領州一小京一郡十縣
三十一武珣州為武州領州一郡十四縣四
十四

新羅景德正

戊戌

十七年唐乾元元年春二月內外請賑滿六十者
解官○大雷電震佛寺十六所

臣等董子有言天心仁愛人君國家將
有失道之敗先出災異以警告之若桑穀
之於太戊雉之於武丁大風之於成王
其所以仁愛而警告之也至矣自佛氏入
中國以來邪說充塞壞人心術其禍甚於
洪水猛獸之害慘於夷狄篡弑之變故天
之警告丁寧切至如元魏蕭梁酷信佛法
或三捨身或詣寺親講佛書而在魏則承

寧浮圖災在梁則同恭浮圖災尚不知懼
禍敗隨之朱子於綱目持書屢書垂戒萬
世今新羅之溺佛比二國尤甚至使塔廟
比其閭閻而皇龍靈妙為叢林巨刹塔有
九層像有丈六羅之君有僧其身而尼其
妃者有火其屍而海其骨者其心自以為
有福田利益之饒彼烏知天之震焉憑怒
以督教之乎觀其於靈妙則其災也四於
皇龍則風毀佛殿一震九層塔二其他佛
寺之震史不絕書至是大雷電以震者至

新羅景德王

十六所比事以觀雖嚴父之教其子莫如
是之切也彼昏不知安其危而利其災隨
震輒修懣罔知戒自是亂臣賊子無世無
之而危亡隨至無君無父之教之禍人國
家如是其慘矣後之溺佛之主盍亦少悟
焉

亥乙

十八年唐乾元二年春正月改官號以兵部倉部
卿監為侍郎大舍為郎中以執事舍知為執
事負外郎執事史為執事郎以調府禮部乘
府船府領客府左右議方府司正位和府例

東監

寅壬

作典大學監大道署永昌宮等大舍為主簿
賞賜署典祀署音聲署工匠府彩典等大舍
為主書二月以禮部舍知為司禮調府舍知
為司庫領客府舍知為司儀乘府舍知為司
牧船府舍知為司舟例作府舍知為司例兵
部弩舍知為司兵倉部租舍知為司倉
二十一年唐寶應元年唐冊欽茂為檢校大尉渤海國王先是武藝死謚武王子欽茂立徙土京直舊國三百里忽汗河之東及欽茂死謚文王

卯癸

巳乙

二十二年唐代宗廣德元年大奈麻李純嘗有寵於王一日棄官為僧累徵不出創斷俗寺居之後聞王好樂詣官門諫曰臣聞狝紂荒于酒色淫樂不止政事陵夷國家敗滅覆轍在前後車宜戒望大王改過自新以壽國脉王感嘆為之停樂引正室論說數日
二十四年唐肅宗泰元元年夏六月流星犯心○王薨太子乾運立年八歲母后攝政上謚曰景德○幸大學命博士講尚書

惠恭王

諱乾運景德王之子母滿月夫人金氏在位十五年

二年唐大曆元年春正月兩日並出

三年唐大曆二年秋七月遣伊飡金隱居如唐貢

獻仍請加冊命帝御紫宸殿宴見○有三星

隕宮庭相擊其光如火

四年唐大曆三年春彗星出東北○帝遣倉部郎

中歸崇敬持節冊王為開府儀同三司新羅

王蕪冊王母金氏為太妃○秋七月一吉飡

大恭與弟阿飡大廉叛率其儻圍王宮月餘

討平之夷九族○冬十月以伊飡祈猷為上

大等伊飡金隱居為侍中

五年唐大曆四年夏五月蝗旱命百官各舉所知

六年唐大曆五年夏五月彗星出五車北至六月

乃滅○秋八月大阿飡金融謀叛伏誅

十年唐大曆九年秋九月以伊飡良相為上大等

十一年唐大曆十年夏六月伊飡金隱居謀叛伏

誅○秋八月伊飡廉相與侍中正門謀叛伏

誅

十二年唐大曆十一年春正月下教百官皆從舊號

丙午丁未

戊申

己酉庚戌

甲寅乙卯

丙辰

○二月幸國學聽講○王始立五廟以味鄒
 王太宗王文武王并祖禰為五廟一年凡六
 祭正月二日五日五月五日七月上旬八月
 一日十五日行之盖味鄒王為金氏始祖太
 宗王文武王平麗濟有大功德為不遷之主
 十三年唐大曆二年春三月京都地震夏四月又
 震上大等良相上疏極論時政○青州人聖
 覺養母至孝母老病割股食之及死至誠為
 襄事王賜租三百石

十五年唐大曆十四年春三月京都地震壞民屋死

者百餘人○遣金巖聘日本巖允中庶孫也
 性聰敏少為伊飡入唐宿衛間就師學陰陽
 家術自述遁甲立成法示其師師曰不圖明
 達至此自是不敢以弟子待之及還為司天
 大博士歷守良康漢三州復為執事侍郎鎮
 涇江所至盡心撫字每農隙教以六陣兵法
 人皆便之嘗有蝗入界藪野百姓憂懼巖至
 誠禱之忽風雨作蝗盡斃至是聘日本王知
 其賢欲留之會唐使高鶴林來相見甚懽以
 巖為大國所知不敢留乃還○夏四月旋風

庚申

起自度信墓至始祖陵塵霧暗冥不辨人物
人有聞其若有哭泣悲嘆之聲王懼遣大臣
金敬信就度信墓致祭謝過

十六年

唐德宗建中元年

春正月黃霧四塞○二月

兩土○夏四月金良相弒王自立初王幼冲

嗣位母后臨朝及壯淫于聲色常作婦女之
戲好佩錦囊與道流為謔巡遊無度綱紀紊
亂災異屢見人心反覆金志貞因聚眾作亂
圍王宮上大等良相與伊飡敬信舉兵誅志
貞等王與后妃為亂兵所害良相自立為王

謚王曰惠恭大赦追封父海飡孝芳為開
大王母金氏為貞懿太后以敬信為上大等
懿恭為侍中

宣德王

諱良相海飡孝芳之子奈勿王十世
孫也在位五年

二年

唐建中二年

秋七月遣使安撫涇江以南州

郡

三年

唐建中三年

春閏正月遣使朝唐

四年

唐建中四年

立社稷壇又修祀典

辛酉

壬戌 癸亥

子甲

五乙

五年

唐興元元年

夏四月王欲遜位羣臣三上表

諫乃止

六年

唐貞元元年

春正月帝遣戶部郎中蓋瑱持

節冊王為檢校大尉鷄林州刺史寧海軍使

新羅王○王寢疾彌留詔曰寡人本惟菲薄

居位以來年不順成民用困窮此皆德不符

民望政未合天心常欲禪讓退居于外羣臣

每以誠止因循至今忽遘疾疹不寤不與死

生有命顧復何恨死後依佛制燒火散骨東

海越十三日乃薨謚曰宣德國人立上大等

敬信為王初惠恭王末年叛臣跋扈宣德時

為上大等討叛賊遂弒惠恭自立敬信與謀

及宣德薨無嗣羣臣議欲立王族子周元周

元第在京北二十里會天大雨關川漲不得

渡議者曰人君大位有關天命固非人謀所

及今日暴雨天其或者不欲立周元乎今上

大等敬信德望素高有人君之度於是衆議

翕然以定遂立之既而雨止國人皆呼萬歲

周元退居溟州○二月王追封高祖大阿飡

法宣為玄聖大王曾祖伊飡義寬為神英大

寅丙

王祖伊飡魏文為興平大王考一吉飡孝讓
為明德大王母朴氏為昭文太后立子仁謙
為王太子遷聖德開聖二廟主以祖禰拊之
賜文武百官爵一級

元聖王

諱敬信奈勿王十二世孫也在位十

三年

二年唐貞元二年夏四月國東雨雹桑麥皆傷○

遣金元全如唐帝詔曰卿性敦信義志秉真
純夙奉邦家克遵聲教竭誠向闕述職無虧

辰戊

累遣使臣聿修貢獻忠効益著嘉嘆良深今
賜卿羅錦綾綵等三十四匹衣一副銀盃一
王妃錦綵綾羅等二十四匹押金線繡羅裙衣
一副銀椀一卿宜領之○秋九月王都民饑
出粟三萬三千二百四十石以賑給之冬十
月又出粟三萬三千石以給之○大舍武烏
獻兵法十五卷花鈴圖二卷乃除屈岬縣令
四年唐貞元四年春始定讀書出身科讀春秋左
氏傳著禮記著文選而能通其義兼明論語
孝經者為上讀曲禮論語孝經者為中讀曲

禮孝經者為下若博通五經三史諸子百家書者超擢用之前此但以射選人至是改之

○秋國西蝗旱多盜賊遣使安撫之

五年唐貞元五年秋九月以子玉為揚根縣小守

執事史毛肖駁曰子玉非文籍出身者不可

委以外補侍中議云雖不以文籍出身曾入

中國為學生亦可用也王從之

金富軾曰惟學焉然後聞道惟聞道然後

灼知事之本末故學而後仕者其於事也

先本而末自正譬如舉一綱萬目從而皆

正不學者反此不知事有先後本末之序

但區區弊精神於技末或持欲以為利或

苛察以相高雖欲利國安民而定害之是

故學記之言終於務本而書亦言不學墮

面滯事惟煩則執事毛肖一言可為萬世

之模範者焉

權近曰子路使子羔為費宰子曰賊夫人

之子蓋言子羔未學遽使治民適以害之

也故古之人必學而優則仕若不學而仕

則或以培克為能或以苛察為明鮮有不

未卒

乙亥

丙子

庚戌

為民患者也毛肖可謂知用人之道矣

七年唐貞元春正月太子仁讓卒謚曰惠忠

○伊食悌恭謀叛伏誅

十一年唐貞元春正月立故太子仁讓之子

俊邕為太子俊邕嘗奉使入唐仕本國歷官

大阿瓊波瓊食宰相侍中兵部令

十二年唐貞元春京都飢疫發倉賑之○夏

四月以侍中彥昇為兵部令

十四年唐貞元冬十二月王薨謚曰元聖太

子俊邕立以遺命燒柩於奉德寺南○時有

新羅元聖王

金生者父母微不知世系自幼能書平生不
攻他藝又好佛隱居不仕年踰八十猶操筆
不休隸行草皆入神學者傳寶之

臣等按

宋崇寧中高麗學士洪灌奉使入

宋館於汴京時翰林待詔楊球李革奉帝

勅書圖簇灌以金生行草一卷示之二人

笑曰天下除右軍烏有妙筆如此哉灌屢

辨之終不信近元學士趙孟頫跋金生所

書昌林寺碑曰字畫深有典刑雖唐人名

刻未能遠過之觀宋元三學士之評則金

生隸行草三法稱為八神非虛譽也

昭聖王

諱俊邕元聖王太子仁謙之子母金氏在位二年

元年唐貞元十五年夏追封考惠忠太子為王母金氏為聖穆王后

二年唐貞元十六年春封金氏為王妃○夏四月暴風折木蜚瓦臨海仁化二門壞○六月封王

子清明為太子○王薨謚曰昭聖太子立年十三叔父兵部令彥昇攝政初元聖薨帝遣

辰庚 寅茂

司封郎中蕪御史中丞韋丹持節吊慰且冊王為開府儀同三司檢校太尉新羅王丹至鄭州聞王薨乃還○秋八月以梁悅為豆胘小守初悅入唐宿衛帝幸奉天從難有功帝授右贊善大夫及還王擢用之

哀莊王

諱清明改曰重熙昭聖王之子在位九年

二年唐貞元十七年春二月改五廟之制始祖大王高祖明德王曾祖元聖王皇祖惠忠王白王考

巳辛

昭聖王為五廟別立太宗王文武王為二廟
○以兵部令彥昇為御龍省私臣未幾為上
大等

三年

唐貞元八年

秋創伽倻山海印寺○冬十二

月授均貞為大阿飡假稱王子欲以質倭國

均貞辭

六年

唐順宗末貞元年

春正月封母金氏為王太后

妃朴氏為王后帝遣兵部郎中兼御史大夫

元季方告哀且冊王為開府儀同三司檢校

大尉使持節大都督鷄林州諸軍事鷄林州

刺史兼持節充寧海軍使上柱國新羅王封
太后叔氏為大妃妃朴氏為王妃太后奈勿
王十三世孫金叔明之女也嫌於同姓以父
名叔為氏

權近曰昔魯昭公娶於吳為同姓謂之吳

孟子今王母亦同姓也故以其父名叔明

因謂之叔氏以告於唐耳後四年力奇入

唐言昭聖王母金神迷之女為申氏妃為

叔氏其諱同姓而以父名為姓也尤明矣

秋八月頒示公式二十餘條

七年唐憲宗元和元年春日日本遣使來聘○禁創佛寺只許修之又禁佛寺用金銀錦繡為器服
 ○宿衛金獻忠還自唐帝加試秘書監以遣之
 九年唐元和三年春二月遣金力奇如唐力奇上言貞元十六年詔冊先王臣金俊邕為新羅王母申氏為大妃妻叔氏為王妃冊使韋丹至中路聞王薨乃還乞以其冊授臣以歸帝從之仍賜王叔彥果及其弟仲恭等門戟令本國准例給之申氏金神述之女媼於同姓

以父名神為氏申與神同韻也
 十年唐元和四年秋彥昇弒王自立彥昇與其弟梯邕謀亂弒王并殺王弟體明追謚王為哀莊○以伊飡金崇斌為上大等○遣伊飡金昌南等告哀于唐辭以病薨且請承襲帝遣職方員外郎攝御史中丞崔廷以質子金士信副之持節吊祭以彥昇為開府儀同三司檢校大尉持節大都督鷄林州諸軍事兼持節充寧海軍使上柱國新羅王冊貞氏為妃賜宰相金崇斌等門戟

辛卯壬辰甲午

憲德王

諱彥昇昭聖王之母弟在位十七年

三年唐元和大年夏四月始御平議殿聽政

四年唐元和七年春以均貞為侍中

六年唐元和九年春三月宴羣臣於崇禮殿王歡

甚鼓舞令伊瀆忠榮起舞○夏五月國西大

水遣使存撫復一年租調○秋八月京都風

霧如夜

七年唐元和十年和秋國西州郡大飢盜賊蜂起發

兵討平之○大星出翼軫間指庚芒長六尺

廣二寸許

八年唐元和十一年和春民飢抵浙東求食者一百七

十人

九年唐元和十二年和春正月以伊瀆金忠恭為侍中

○夏五月不雨至秋七月○冬十月年饑民

多死發倉賑之

十一年唐元和十四年和秋七月唐鄆州節度使李師

道叛帝將討之詔遣揚州節度使趙恭徵兵

王命順天軍將軍金雄元率甲兵三萬助之

十三年唐穆宗長慶元年春以菁州都督憲昌為熊

辛丑

己巳

丁酉

丙申

己未

寅壬

川州都督

十四年

唐長慶二年

春正月王無嗣以母弟秀宗

為太子居月池宮時上大等忠恭坐政事堂

注擬內外官請托至忠恭莫能舉措感疾

而退召醫診之曰病在心臟須服龍齒湯遂

杜門不接賓客執事侍郎祿真請見門者拒

之祿真曰下官非不知相公謝客願獻一言

以開鬱悒之懷耳不見不退也門者三復乃

見祿真曰伏聞氣體不調得非早朝晚罷蒙

犯霧露傷榮衛之和失支體之安乎曰未也

祿真曰然則公之病不須砭石可一言理之

忠恭曰可得聞乎祿真曰彼梓人之作室也

材大者為梁柱小者為椽榱偃者植者各安

所施然後大廈成焉宰相之為政也亦然才

巨者置高位小者授下官內則六官百執事

外則方伯郡守朝無闕位皆得其人然後王

政成焉今則不然徇私而滅公為人而擇官

愛之雖不才必進憎之雖有能必斥取舍勞

其心是非亂其志不獨害於國事為之者亦

病矣若其當官清白蒞事恪恭杜貨賂之門

絕請托之路黜陟必以幽明予奪不以愛憎如衡焉不可枉以輕重如繩焉不可欺以曲直如是則刑政允穆國家和平雖日開公孫之閣置曹叅之酒與朋友故舊談笑自樂可也又何區區於服餌之間徒自費日廢事為哉忠恭悅謝醫朝王王曰謂卿剋日服藥何遽來朝對曰臣聞祿真之言同於藥石豈止飲龍齒湯而已哉因為王陳之王曰寡人為君卿為相而有人如此不可使儲君不知也宜往告太子太子入賀曰臣聞君明則臣直

此亦國家之美事也

臣等按孟子一言而齊之君臣舉知其罪是固可以興邦矣而齊卒不得為善國何耶豈非悅而不繹從而不改者乎祿真見主昏臣譎吐一奇論可謂救病之藥石矣忠恭一聞而心病頓愈入告于王而王亦多之命謁儲君而儲君亦賀似可與有為也而終未聞祿真之登庸君相改過之實亦何異於齊宣悅而不繹者乎

三月熊川州都督憲昌以父周元不得立舉

兵叛國彌長安建元慶雲脅武珣完山菁沙
伐國原西原金官諸州郡以為已屬菁州都
督向榮脫身走推火漢山牛頭軟良涇江北
原等諸城知憲昌謀叛以兵固守完山長史
崔雄速舍郡太守令忠等遁還王京告變王
喜授雄令忠級飡遣一吉飡張雄迎飡衛恭
波环飡悌凌伊飡均貞等分道擊之以角干
忠恭迎飡允膺等守關門憲昌遣其將據要
害待之張雄遇賊於道冬峴擊敗之衛恭悌
凌繼之攻三年山城克之進兵俗離山又破

之均貞又遇賊於星山擊破之諸軍共到熊
津與賊大戰斬獲不可勝計憲昌以身免入
城固守諸軍圍攻浹旬城將陷憲昌知不免
自殺從者斷其首截其屍於古塚又城陷得
其屍誅之戮宗黨凡二百餘人

已乙

十七年唐敬宗寶曆元年春正月憲昌子梵文與高
達山賊壽神等謀叛欲立都於漢陽之平壤
攻北漢山州都督聰明擒誅之○夏五月遣
金昕如唐昕奏請以臣偕來金允夫金立之
朴亮之等十二人入國學習業且備宿衛其

先在學崔利貞金叔貞朴秀業等還帝從之
歲餘昕又請還帝授金紫光祿大夫試大常
卿遣之

丙午

十八年唐寶曆二年秋七月命牛峯太守白永發
漢山北諸州郡人一萬築沮江長城三百里
○冬十月王薨謚曰憲德太子秀宗立改名
景徽○十二月王妃章和夫人金氏卒追封
為定穆王后昭聖王女也王悲思不已羣臣
請納妃王曰隻鳥尚有喪匹之悲况失良耦
何遽無情遂不從亦不近女侍左右使令唯

宜堅而已

東國通鑑卷之十

東國通鑑卷之十一

新羅紀

興德王

諱秀宗改曰景徽憲德王之母弟在

位十年

二年

唐文宗大和元年

春帝聞前王薨輟朝命太子

諭德兼御史源寂持節吊祭仍冊嗣王為開
府儀同三司檢校大尉使持節大都督鷄林
州諸軍事兼持節充寧海軍使王母朴氏為
大妃妻朴氏為妃

申戊

權近曰興德為儲副之時聘角千金忠恭
之女為妃是為章和夫人及即位踰月而
卒羣臣請再納妃竟不從則其無他妃可
知矣今唐所冊朴氏者蓋亦諱其同姓以
朴氏告唐耳况章和之卒在去年之十二
月而唐之冊命在今年之正月雖曰再娶
豈能及知之乎其為金氏尤明矣羅之君
臣知娶同姓為非禮而必諱之不能謹之
於始而犯之是不待貶絕而自著矣
三年_{唐大和}春正月以大阿飡金祐徵為侍

中○夏四月以張保臯為清海鎮大使保臯
少字弓福入唐為徐州軍小將後歸國告王
曰中國人往往掠吾邊民以為奴婢可羞之
甚願鎮清海使不得虜掠王與卒萬人鎮之
是後海上無侵掠國人者清海即海路之要
衝○漢山州瓢川縣妖人自言有速富之術
衆頗惑之王曰執左道惑衆者當刑流之遠
島○冬十二月遣大廉如唐帝召對于麟德
殿宴賜有差大廉得茶子來王命植智異山
○以金陽為固城郡太守尋拜中原大尹武

成莫

州都督陽少而英傑所臨有政譽太宗王九世孫而周元之曾孫也其祖宗基父貞茹皆為將相

五年

唐大和四年

渤海王仁秀率仁秀祚榮弟野

勃四世孫也頗能討伐海北諸部開大境宇

唐詔加檢校司空自祚榮以來數遣諸生詣

京師大學習識古今制度至是遂為海東盛

國地有五京十五府六十二州以肅慎故地

為上京曰龍泉府領龍湖渤三州其南中京

曰顯德府領盧顯鐵湯榮興六州濊貊故地

為東京曰龍原府亦曰柵城府領慶益穆賀

四州沃沮故地為南京曰南海府領沃晴椒

三州高麗故地為西京曰鴨渌府領神桓豐

正四州曰長嶺府領瑕何二州扶餘故地為

扶餘府常屯勅兵扞契丹領扶仙二州鄭頡

府領鄭高二州挹婁故地為定理府領定潘

二州安邊府領安瓊二州卒賓故地為卒賓

府領華益建三州拂涅故地為東平府領伊

蒙沱黑比五州鐵利故地為鐵利府領廣汾

蒲海義歸六州越喜故地為懷遠府領達越

寅甲

懷紀富羨福邪芝九州安遠府領寧郿慕常
四州又郢銅涑三州為獨奏州涑州以其近
涑涑江蓋所謂粟末水也其禮樂官府制度
大抵倣象中國云
九年唐大和八年冬十月巡幸國南州郡存問耆
老及鰥寡孤獨賜穀布有差○教曰人有上
下位有尊早名例不同衣服亦異俗漸澆薄
民競奢華只尚異物之珍奇却嫌土產之鄙
野禮數失於逼僭風俗至於陵夷敢率舊章
以申明命苟或故犯固有常刑

卯乙

十年唐大和九年春二月以阿食金均貞為上大

等侍中祐徵以父均貞入相乞解職以大阿
食金明代之○追封金庾信為興武大王

臣等按臣職分當忠稟信之於新羅功亦
大矣然周公有大勲勞而成王賜魯重祭
猶以為非况追封為王以紊君臣之名分
乎其不得禮明矣

賜孝子孫順家一區歲給米五十碩順牟梁
里人父鶴山歿家貧與妻傭作人家以養母
順有小兒每奪母食順難之謂妻曰兒奪母

食兒可得毋難再求乃負兒歸醉山北郊掘地欲埋忽得石鐘甚奇夫妻驚恠試撞之春容可愛妻曰得異物殆兒之福不可埋也順以為然將兒與鐘還家懸鐘於梁撞之聲聞王宮王聞之謂左右曰西郊有鐘聲清遠異常即令尋得之曰昔郭巨埋子天賜金釜今孫順埋兒地出石鐘前後同符乃有是賜十一年唐開成元年夏六月有星孛于東○秋七月太白犯月○冬十二月王薨謚曰興德以遺命合葬章和陵初王薨無嗣堂弟均貞堂

弟之子悌隆爭立金陽與均貞之子祐徵均貞妹婿阿食禮徵奉均貞為王入積板宮以族兵宿衛悌隆之黨侍中金明阿食利弘等束圍陽陳兵宮門拒之曰新君在此爾等何敢兇逆如此遂引弓射殺十數人悌隆黨裴萱伯射陽中股均貞曰彼衆我寡勢不可遏公其佯退以為後圖於是陽突圍而出至韓歧市均貞遇害陽潛遁明等立悌隆為王

僖康王

諱悌隆元聖王孫伊食憲貞之子也

巳丁

在位二年

二年

唐開成二年

春追封考為翼成大王母朴氏

為順成太后以金明為上大等利弘為侍中

○夏五月祐徵懼禍收餘兵與妻子奔黃山

津乘舟往依清海鎮大使張保臯謀報讎六

月禮徵與阿飡良順亡投祐徵

三年

唐開成三年

春正月金明弒王自立明元聖

王之曾孫阿飡忠恭之子累官為上大等與

侍中利弘等作亂殺王左右王知不免自縊

謚曰僖康以金貴為上大等憲宗為侍中

午戊

金富軾曰歐陽子之論曰魯桓公弒隱公

而自立者宣公弒子赤而自立者鄭厲公

逐世子忽而自立者衛公孫剽逐其君衍

而自立者聖人於春秋皆不絕其為君各

傳其實而使後世信之則四君之罪不可

得而掩耳則人之為惡庶乎其息矣羅之

良相弒惠康而即位彥昇弒哀莊而即位

金明弒僖康而即位祐徵弒閔哀而即位

今皆書其實亦春秋之志也

二月金陽奉祐徵起兵於清海鎮討金明先

是陽募集兵士入清海鎮見祐徵謀舉事至是祐徵聞明篡立謂張保臯曰明弑君自立利弘枉殺吾父不可共戴天也願仗將軍之兵以報君父之讎保臯曰古人有言見義不為無勇遂分兵五千授其友鄭年往討之初保臯年皆善戰年能行海底五十里不啞角其勇壯保臯差不及然以齒慢年年亦以藝不服年不相下二人俱如唐為武寧軍小將騎而善搶無敢敵者後保臯還國得鎮清海年失職飢寒寓泗之漣水縣一日言於戍將

馮元規曰我欲東歸就食於保臯元規曰若與保臯不相能奈何往取死乎年曰飢寒死不如兵死快况死故鄉耶遂往謁保臯與之飲極歡飲未半聞變保臯乃分兵付年執手泣曰林子不能平禍患○三月金陽以兵五千襲武州至城下州人悉降進次南原遇明所遣兵與戰克之祐徵以士卒久勞且還清海鎮休兵冬慧孛孛見西方芒角指東叢賀曰此除舊布新報冤雪恥之徵也十二月陽號平東將軍再出兵金亮詢以鵠州軍來祐徵

又遣驍勇閻長張弁鄭年駱金張建榮李順
行等六人統兵為將軍容甚盛鼓行至武州
鐵冶縣明遣大監金敏周以兵逆之駱金順
行以馬兵三千突陣殺傷殆盡

神武王

諱祐徵元聖王孫上大等均貞之子

也在位一年

紀

元年唐開成四年春閏正月金陽進兵討金明誅
之立祐徵先是陽等晝夜兼行至達伐丘明
聞兵至令伊倉昕大阿倉允璘疑勳等將兵

拒之陽等一戰大克明時在西郊大樹下左
者皆散不知所為奔八月遊宅兵士追斬之
羣臣禮葬謚曰閔哀陽命左右將軍領騎士
詢曰本為報讎今渠魁就戮士女百姓宜各
安居勿動人心乃悅陽又召萱伯曰犬各吠
非其主爾當時為爾主射我我不與校毋恐
衆聞之曰金公之於萱伯尚如此吾屬無憂
無不感悅夏四月禮徵等先至清宮禁備禮
迎祐徵入即位王既立追尊祖伊倉禮英為
惠康大王考均貞為成德大五岳朴氏為憲

穆太后立子慶膺為太子封張保臯為感義
軍使食實封二千戶三國史張保臯傳鄭年
入國誅叛者立王王召

保臯為相以年代守
清海與此本紀不同

權近曰禮重複讎春秋貴討賊故君父之

讎不共戴天篡弑之賊人人之所得討也

且少陵長賤妨貴亦春秋之所深惡也衛

州吁弑桓公石碏討之春秋書曰衛人殺

州吁于濮者許衛人之能助石碏不君州吁

而討之之辭也齊小白與子糾爭立書曰

齊小白入于齊者明小白以長宜有齊也

田是觀之新羅興德王薨無嗣其堂弟均

貞與姪悌隆爭立皆非嫡也則是均貞以

長當立矣侍中金明輔不正奉悌隆殺均

貞而立之均貞之子祐徵即與金陽奔清

海鎮謀欲復讎未嘗一日北面而臣於悌

隆也及金明又弑悌隆而自立金陽能與

張保臯等討殺金明而立祐徵是真得復

讎討賊之義矣當加美詞以為萬世臣子

之勸也金富弼乃謂金明弑僖康而即位

祐徵弑閔哀而即位又與弑逆之儔並列

祐徵弑閔哀而即位又與弑逆之儔並列

而并論之何哉金明初輔不正立以為君
又從而弑之其惡滔天必討之罪也若祐
徵金陽則初能輔正終能討賊不君梯隆
况君金明乎以祐徵而殺金明是子復父
之讎也以金陽而殺金明是臣討君之賊
也能討君父之賊以明臣子之義既足嘉
矣徇以復讎只戮渠魁使民勿動庶幾王
者吊伐之師金陽又以夫吹非主怨萱伯
之射已而不校實與齊桓釋管仲之射鉤
漢高赦季布之窘辱異世而同符者也羅

代君臣之事此最合於義者也

臣等按唐書宋祈之贊保臯曰杜牧稱安
思順為朔方節度時郭汾陽李臨淮俱為
牙門都將二人不相能雖同盤飲食常睚
相視不交一言及汾陽代思順臨淮欲亡
去計未決旬日詔臨淮分汾陽半兵東出
趙魏臨淮入請曰一死固甘乞免妻子汾
陽趨下持手上堂曰全國亂主遷非公不
能東伐豈懷私忿時邪及別執手泣涕相
勉以忠義訖平劇盜實二公之力知其心

不叛知其心難也念必見短知其材益難也此保臯與汾陽之賢等耳年投保臯必曰彼貴我賤我降下之不宜以舊念殺我保臯果不殺人之常情也臨淮請死於汾陽亦人之常情也保臯任年事出於已年且寒飢易為感動汾陽臨淮平生亢立臨淮之命出於天子權於保臯汾陽為優此乃聖賢遲疑成敗之際也世稱周召為百伐之師周公擁孺子而召公疑之以周公之聖召公之賢少事文王老佐武王能平

天下周公之心召公且不知之苟有仁義之心不資以明雖召公尚爾况其下哉嗟乎不以怨毒相甚而先國家之憂晉有祁奚唐有汾陽保臯孰謂夷無人哉金富軾撰三國史其論與唐書詳略頗不同今改正之

利弘棄妻子遁山谷王遣騎士追獲伏誅○
秋七月王薨太子慶膺立上謚曰神武○教曰清海鎮大使保臯嘗以兵助神考滅先朝之臣賊其功烈可忘耶乃拜為鎮海將軍燕

賜章服追錄金陽功授蘇判兼倉部令轉侍
中兼兵部令

文聖王

諱慶膺神武王之子在位十八年

二年唐開成五年春正月以禮徵為上大等義琮

為侍中良順為伊飡○唐勅鴻臚寺還我質

子及學生共一百五人

三年唐武宗會昌元年秋七月唐遣克克州都督府

司馬金雲卿冊王為開府儀同三司檢校太

尉使持節大都督鷄林州諸軍事兼持節克

寧海軍使上柱國新羅王妻朴氏為王妃兼

授金陽檢校衛尉卿

四年唐會昌二年春三月納伊飡魏昕之女為妃

七年唐會昌五年春三月王欲納清海鎮大使張

保臯女為次妃羣臣諫曰夫婦之道人之大

倫夏以塗山與殷以嫫氏昌周以褒姒滅晉

以驪姬亂國之存亡於是乎在保臯海島人

納其女可乎王從之初神武王投清海與保

臯約苟得復讎當以卿女配子故王欲納之

○冬十二月朔三日並出

丑乙戌壬

酉辛

中庚

八年

唐會昌六年

春殺清海鎮大使張保臯先是

王聞保臯怨其不納女據鎮叛將討之慮或不克猶豫未定武州人閻長告王曰朝廷幸聽臣計當不煩一卒持空拳斬保臯以獻王許之長佯叛投清海保臯愛其勇無所疑引為上客與之飲極歡及醉棄保臯劍斬之名諭其眾眾不敢動王喜賜長爵阿干

臣等按

保臯嘗仕于唐杜牧著論稱保臯之賢比之郭汾陽宋祈撰唐書亦取之以祈奚汾陽並稱其磊落奇節必有大異於

人者矣其鎮清海也神武逃難出亡往依之以圖興復及神武舉義反正之日誅亂討賊弘濟艱難者大抵皆保臯捍衛之力其隆功偉烈何如是之盛也今坐叛逆之名不得其死何耶王既不納保臯之女保臯之怨王盖亦有由矣然叛狀已著聲罪致討可也若矇昧難明以功掩過可也今有謀叛之名而無謀叛之狀安知非忌功嗜利之徒交搆羅織離間其君臣乎王何不察遽聽細人之說使之行盜賊之謀得

售其奸乎保臯既倚天下之重名又有擁
立之大勲一朝奄彼不道之惡名天下後
世孰得而明之乎保臯之罪雖則然矣王
既背前王婚媾之約又忘前王委任之重
使之怏怏失志王之於保臯莫亦有之矣
今不明正其罪暗行誅殺抑又何哉權近
於史略不書保臯謀叛伏誅而曰王殺保
臯則亦春秋筆削之微意也
九年唐宣宗大夏四月伊飡良順波玆飡與
宗等謀叛伏誅

十一年唐大中三年秋九月伊飡金貳大昕等謀
叛伏誅

十三年唐大中五年春二月罷清海鎮徙其人於
碧骨郡

十九年唐大中十一年秋八月侍中金陽卒王哀慟
追贈舒發翰其贈賻斂葬一依金庾信舊例
陪葬太宗王陵

臣等按尚論新羅人物則英雄豪傑莫如
金庾信明白正大莫如金陽當三國鼎沸
之日干戈麁爛之時庾信出入宣力左右

太宗平麗定濟成混合之功鞠躬盡瘁死
而後已其奇勲偉烈世不常有矣金陽當
興德薨逝之後羣公子爭立之秋能輔以
正立均貞為王尋為賊黨所敗王又遇害
枕戈嘗膽憤憤之志自激於中奉遺孤往
依清海郡以圖興復徐興問罪之師討亂
賊復君父之讎立祐徵成捍衛之功又能
釋壹伯捨脇從庶幾古者吊伐之義其精
忠大節未易多得如庾信金陽豈非所謂
命世之才應期而生者乎嗚呼以金陽而
此庾信雖時有先後而所立之功之卓卓
者亦略相同死生終始息數之加比而同
之不亦可乎

九月王不豫詔曰寡人以眇末之資處崇高
之位上恐獲罪於天下慮失望於人夙夜兢
兢若涉淵冰賴三事大夫百辟卿士左右挾
維不墜重器今者忽染疾疹至于旬日恍惚
之際恐先朝靈惟祖宗大業不可無主軍國
萬幾不可暫廢顧惟舒弗邨誼靖先王之令
孫寡人之叔父孝友明敏寬厚仁慈父處台

衡挾贊王政可以祗奉宗廟撫育蒼生爰釋
重負委之賢德付托得人夫復何恨伊爾多
士竭力盡忠送往事居罔或違禮越七日王
薨誼靖立上謚曰文聖大赦以伊噲金安為
上大等

憲安王

諱誼靖神武王異母弟也在位四年

四年

唐懿宗咸通元年

秋九月王會羣臣於臨海殿

王族膺庶年十五與焉王欲試其志問曰汝
為國仙游學有日得無見善人者乎對曰臣

辰庚

嘗見三人者一勲閥子弟而不光人自下一
家富而彼服不侈一勢榮而驕氣不形臣竊
以此為善人王默然與王后語曰朕聞人多
無如膺庶者欲以女妻之更置酒從容曰吾
有二女惟郎所擇膺庶辭不獲歸告父母父
母曰聞王女容色凡不如弟若不得已其娶
弟乎郎徒範教曰嬰兄有三益弟有三損膺
庶乃奏臣不敢自決惟王命王以長女妻之
是為寧花夫人

五年

唐咸通二年

春正月王寢疾彌留謂左右曰

巳辛

寡人不幸無男有女我國故事雖有真德善德二女主然近於牝雞之長不可法也甥膺庶年雖幼少有老成之德卿等立而事之必不墜祖宗之緒寡人死且不朽王薨膺庶立上謚曰憲安

景文王

諱膺庶僖康王子阿哈啟明之子憲安王之姪也在位十四年

未癸

三年

唐咸通四年

春二月王幸國學令博士以下

講論經義賜物有差○納寧花夫人弟為次

妃異日王問範教曰前所謂三益者何對曰王及王妃喜其如意寵愛益深一也因此得繼大位二也卒娶季女三也王大笑爵範教為大德賜金百三十兩

五年

唐咸通六年

夏四月帝遣太子右諭德御史

中丞胡歸厚光祿主簿兼監察御史裴光等吊祭先王仍賻帛一千匹冊王為開府儀同三司檢校大尉持節大都督鷄林州諸軍事上柱國新羅王賜旌節錦綵衣金銀器物六年

唐咸通七年

春正月王封考為懿恭大王母

成丙

會乙

子戊

丑巳

卯辛

巳癸

午甲

未乙

朴氏為光懿王大后夫人金氏為文懿王妃
立子晟為太子晟性聰敏喜讀書○冬十月
伊食允與其弟叔與季與謀逆事覺走岱
山郡追捕誅之夷其族

八年唐咸通九年春正月伊食金銳金鉉等謀叛

伏誅○夏六月震皇龍寺塔

九年唐咸通十年秋七月遣王子蘇判金胤等如

唐貢獻又遣學生李同等三人與俱請入學

習業仍給買書銀三百兩

十一年唐咸通十二年春正月命改造皇龍寺塔

十三年唐咸通十四年春民饑且疫殺使賑救○秋

九月皇龍寺塔成九層高二十二丈

十四年唐僖宗乾符元年夏五月伊食近宗謀與其

黨犯闕兵敗伏誅

十五年唐乾符二年春有星孛于東二十日乃滅

○秋七月王薨太子晟立上謚曰景文以伊

食魏弘為上大等大阿食又謙為侍中赦殊

死已下

憲康王

諱晟景文之子母文懿王后金氏

性聰敏喜看書一覽皆誦在位十一

年

戊戌

四年

唐乾符五年

夏四月唐遣使冊王為使持節

開府儀同三司檢校太尉大都督雞林州諸

軍事新羅王○秋七月遣使朝唐聞黃巢賊

起乃止

亥巳

五年

唐乾符六年

春二月韋國學命博士已下講

論○三月王出遊鶴城還至海浦忽雲霧晦

冥迷失道路禱于海神開霽因名開雲浦有

異人處容者奇形詭服詣王前歌舞從王入

新羅憲王

京王賜爵級千時又有四神人衣巾詭異形

容可駭不知所從來詣駕前歌舞其歌有智

理多述都破都破等語蓋謂以智理國者多

逃而都邑特破故歌以警之也時人不知反

以為瑞耽樂滋甚故國終亡○夏六月一吉

食信弘謀叛伏誅

子美

六年

唐廣明年

秋九月王與左右登月上樓見

部下屋廬比櫛歌吹沸騰顧謂侍中敏恭曰

孤比聞民間覆屋以瓦不茅茨炊飯以炭不

薪樵有諸敏恭對曰臣亦嘗聞之自上臨御

以來陰陽和風雨順歲登民足邊境寧謐市井歡樂此皆聖德所致王欣然曰實賴我卿等輔佐之力朕何德焉

七年

唐中和元年

春

三月燕群

臣於臨海殿王酒

酣鼓琴左右各進歌詞極歡而罷

臣等

古之明君雖吾治已足而未嘗有

滿假之心古之大臣雖君德已聖而未嘗忘規諫之忠新羅中更變故及神武反正至于憲康時號平康然新羅國勢本根已蠹枝葉雖茂烏可保哉此正君臣恐懼修

省之時也奈何上下相師優游玩愒以市井歡樂相誇以琴瑟詞賦相樂更相稱譽晏然自肆有苟且自足之心無警戒相成之志乎新羅衰亡之兆於茲決矣嗚呼自古天下國家安危倚伏蒼茫無端治之不足恃安之不足憑賈誼當漢文治安之時而至於痛哭流涕正謂此也子思子曰不察事之是非而悅人讚己闇莫甚焉不察理之所在而阿諛求容諂莫甚焉君闇臣諂若此不已國無類矣其亦新羅之君臣

五

十一年唐光啓元年春三月崔致遠捧帝詔還自唐致遠沙梁部人精敏好學年十二隨海舶入唐求學其父謂曰十年不第非吾子也致遠至唐尋師力學十八登第調宣州溧水縣尉遷侍御史內供奉時黃巢反高駢為兵馬都統以討之辟致遠為從事以委書記之任其表狀書啓多出其手其檄黃巢有不唯天下之人皆思顯戮抑亦地中之鬼已議陰誅之語巢不覺下牀由是名振天下又上大師

侍中狀云伏聞東海之外有三國其名馬韓卞韓辰韓馬韓則高句麗卞韓則百濟辰韓則新羅也高句麗百濟全盛之時強兵百萬南侵吳越北撓幽燕齊魯為中國臣蠹隋皇失馭由於征遼貞觀中我太宗皇帝親統六軍渡海恭行天罰高句麗畏威請和文皇受降回蹕我武烈大王請以犬馬之誠助定一方之難入唐朝謁自此而始後以高句麗百濟踵前造惡武烈入朝請為鄉道至高宗皇帝顯慶五年勅蘇定方統十道強兵樓船萬

隻大破百濟乃於其地置扶餘都督府招輯遺氓蒞以漢官以臭味不同屢聞離叛遂徙其人於河南撫章元年命英公李勣破高句麗置安東都督府至儀鳳三年徙其人於河南隴右高句麗殘孽類聚北徼太白山下國號為渤海開元二十年怨恨天朝將兵掩襲登州殺刺史韋俊於是明皇帝大怒命內史高品何行成大僕郎金思蘭發兵過海攻討仍就加我王金某為正大尉持節充寧海軍事鷄林州大都督以冬深雪厚蕃漢苦寒勅

命回軍至今三百餘年一方無事滄海晏然此乃我武烈大王之功也今某儒門末學海外凡材謬奉表章來朝樂土凡有誠懇禮合披陳伏見元和十二年本國王子金張廉風飄至明州下岸浙東某官發送入京中和二年入朝使金直諒為叛臣作亂道路不通遂於楚州下岸遷迤至揚州得知聖駕幸蜀高六尉差都頭張儉監押送至西川已前事例分明伏乞大師侍中俯降台恩特賜水陸齋牒今所在供給舟船熟食及長行驢馬草料

丙午

并差軍將監送至駕前幸甚及還王留為侍讀兼翰林學士守兵部侍郎知瑞書監事致遠自以西學多所得欲展所蘊而衰季多疑忌不能容出為太山郡太守○冬十月大白晝見○遣使如唐賀破黃巢賊

十二年唐光啓二年秋七月王曼弟晃立上謚曰憲康

定康王

諱晃憲康王之弟在位一年

二年唐光啓三年春漢州伊食金堯叛發兵誅之

新羅定康王

丁未

○夏五月王疾病謂侍中俊興曰孤病革必不復起不幸無嗣然女弟曼天資明銳骨貌似丈夫卿等宜做善德真德故事立之

權近曰乾坤皆有元亨利貞之德而坤之貞為牝馬者以其體柔順而不足於強健也是故妻道無成必配夫道然後乃成家道家道尚不可獨成而况居人君之位乎婦人而妄干大位者古稱漢雉唐嬰皆牝晨逞惡謀覆宗國危而後安劉李之不亡幸矣定康將薨藉善德真德故事遺命立

曼為君其臣俊興不學無術殊不知二主
之立背理亂常不足取法而反效尤勉從
亂命以致恣行淫穢羣盜並起國隨以亡
可謂君不君臣不臣矣嗚呼惜哉

臣等按呂雉唐嬰以婦人而得干天位何
也蓋二后之時先皇崩逝嗣君闇弱彼皆
以淫穢兇捍之資挾母后之尊擅威福之
權因以攘竊神器而人莫敢誰何於是王
諸呂立周社虐焰既極瀆亂天紀雖以平
勃狄張之忠賢不敢崖異不能反正者勢

已成也新羅之善德真德特房闈一女子
耳初豈有敢干天位之心盜竊神器之勢
乎由其真平不君國本不定羣臣探其意
立長女德曼是為善德拂天地之經逆陰
陽之理啓牝索之禍其失甚矣善德傳之
真德欲以此為家法其弊不可復救定康
昏主又立女弟曼曼又荒淫天厭穢德覆
亡繼至原其始則三主之得干天位者非
若呂武專擅自立之比真平定康之亂命
有以致之也嗚呼一呂一武足以誤劉李

之宗社一國三女主相繼冒位斷喪邦家如新羅者傳紀以來數千百載之間曾未前聞也先儒曰臣居尊位猶可言也婦居尊位非常之變不可言也信哉

秋七月王薨曼立上謚曰定康○赦復州郡一年租稅○幸皇龍寺設百高座聽法

真聖女主

諱曼定康王之女弟在位十年

二年唐文德元年春二月角干魏弘死追封為大

王謚惠成主素與弘通常入內用事仍命與

新羅真聖女主

申戊

僧大矩修集鄉歌及弘死潛引年少羨丈夫私之授以要職由是佞倖肆志貨賂公行賞罰不公紀綱壞弛時有人欺謗時政榜於朝路主命搜索不能得或告主曰必文人不得志者所為是必大耶州隱者臣仁主命下臣仁獄將刑之臣仁憤怨書獄壁曰于公慟哭三年旱鄒衍含悲五月霜今我幽愁還似古皇天無語但蒼蒼其夕忽震雷雨電主懼釋之

三年唐紹宗龍紀元年元宗哀奴等叛時國內諸州

酉己

女辛

郡不輸貢賦府庫虛竭國用窮乏主發使督
之所在盜賊蜂起於是元宗哀奴等據沙伐
州叛主命奈麻令奇捕之令奇望賊壘畏不
能進村主祐連力戰死主斬令奇以祐連子
嗣為村主年十餘○遣崔承祐如唐入國學
後登進士第

五年

唐大順二年

冬十月弓裔叛于北原弓裔憲

安王庶子初以五月五日生於外家屋上有
素光屬天如虹日官奏曰此兒以重午日生
生而有齒且光燄異常恐將不利於國家宜

勿舉王勅中使抵其家殺之使者取於襁褓
中投之樓下乳婢竊捧之誤以手觸眇一目
抱而逃竄劬勞養育年十餘遊戲不止乳婢
告曰子之生見棄於國予不忍竊養以至今
日子之狂如此若為人所知子與子俱不免
為之奈何弓裔泣曰若然吾逝矣無為母憂
祝髮為僧號善宗及壯不拘檢僧律軒輊有
膽氣嘗持鉢赴齋有烏銜牙籤落鉢中視之
有王字秘不言頗自負見國家衰亂政荒民
散州縣叛者幾半遠近羣盜蜂起謂乘亂聚

衆可以得志投竹州賊魁冀萱萱侮慢不禮善宗鬱悒不自安潛結萱麾下元會申烜等為友投北原賊梁吉吉善遇之委之以事分兵百餘騎使東略地於是出宿雉岳山石南寺行襲酒泉奈城鬱烏御环等縣皆降之六年唐景福元年甄萱叛據武珍州萱尚州加恩縣人本姓李父阿慈介以農自活後起家為將軍有四子皆知名於世初萱生父耕野毋餉之置于林下虎來乳之鄉黨異之及壯體貌雄奇志氣倜儻多智略從軍入王京赴西

新羅真聖女性

南海防戍枕戈待敵為士卒先以勞為裨將時女主淫昏嬖孽竊柄綱紀紊弛加以飢饉百姓流移盜賊並起萱潛懷異志嘯聚亡命劫掠王京西南州縣所至響應旬月間衆至五千遂襲武珍州自立為王猶不敢公然稱之自署為新羅西南都統指揮兵馬制置持節都督全武公等州軍事行全州刺史兼御史中丞上柱國漢南郡開國公食邑二千戶萱聞北原賊梁吉雄強遙授裨將七年唐景福二年遣兵部侍郎金處誨如唐納旌

節沒於海復以攝城郡大守金峻為告奏事
時崔致遠為富城郡大守主召為賀正使以
比歲饑荒盜賊交午道梗不行

八年

唐乾寧元年

春二月崔致遠進時務十餘條

主嘉納之以為阿飡致遠自西事大唐東還
故國皆值亂世自傷不遇無復仕進意自放
於山水間營臺榭植松竹枕籍書史嘯吟風
月若慶州南山剛州冰山陝州清涼寺智異
山雙溪寺合浦縣月詠臺皆其遊翫之所後
挈家隱伽佛山與母兄浮圖賢俊及定玄師

結為道友以終老焉致遠西游特選同年顧
雲以詩送別有文章感動中華國之句其名
重上國如此所著文集三十卷行於世唐書
藝文志又載致遠四六集一卷桂花筆耕二
十卷云○冬十月弓裔自北原寇何瑟羅衆
至六百自稱將軍與士卒同甘苦予棄不私
衆心畏愛之

九年

唐乾寧二年

秋八月弓裔寇猪足猩川二郡

取之又破漢州管内鐵圓等十餘郡軍聲甚
盛洎西諸賊來降者衆弓裔自謂可以開國

稱君始設內外官職○弓裔以王建為鐵圓
郡太守建漢州松嶽郡人初建父隆器宇宏
大有并吞三韓之志娶韓氏築室松嶽之南
僧道說來憇門外樹下嘆曰此地當出聖人
隆聞之倒屣出迎相與登松岳道說俯察仰
觀就為書一封授隆曰公明年必得貴子既
長可以與之書秘世莫知也及期果生建子
其第神光紫氣繞室充庭竟日盤旋狀若蛟
龍幼而聰明龍顏日角方頤廣顙器度雄深
語音洪大寬厚有濟世之量建年十七道說

新羅真聖文七

復至請見曰足下值百六之會三季蒼生待
公弘濟因告以出師置陣地利天時之法望
秩山川感通保佑之理至是投弓裔乃授是
職○冬十月立憲康王庶子嶢為太子初憲
康出獵道見一女悅之命載後車帷宮野合
生嶢及長體貌魁傑主撫嶢背曰孤之兄弟
骨相異於人兒背上兩骨隆起類憲康真其
子也乃有是命

丙辰

十年唐乾寧三年賊起國西南赤其袴以自識屠
害州縣至京西部年梁里劫掠人家而去○

弓裔攻取僧嶺臨江兩縣王隆時為松嶽郡
沙漿以郡歸弓裔弓裔大喜以為金城太守
隆說之曰大王若欲王朝鮮肅慎下韓之地
莫如先城松嶽以吾長子建為其主弓裔從
之使建築勃禦塹城仍為城主時建年二十
十一年唐乾寧四年旌孝女知息之間知息韓歧
部民連權女也性至孝少喪父獨養母年三
十二猶不從人定省不離左右家貧無以為
養或傭作或行乞奉之猶不給就富家賣身
為婢晝則償其直抵暮歸養其母如是者數

新羅真聖女主

日母曰向汝食我雖麤糲尚甘今雖稍美肝
心若刺然是何耶女以實告母曰以我故使
爾為人婢不如死之速也乃大哭女亦哭郎
徒孝宗義之與之粟百石又償其債免其傭
郎徒千人各出石粟以贈王亦賜租五百石
第一區旌其里曰孝養坊復其家主又嘉孝
宗以憲康王之女妻之○夏六月主禪位於
太子曉主謂左右曰近年以來百姓困窮盜
賊蜂起此孤之不德也避賢讓位吾意決矣
於是禪位遣使如唐奏曰居義仲之官非臣

素分守延陵之節是臣良圖臣姪嶢年將志
學器可興宗不假外求爰從內舉近已俾權
藩寄用靖國災○冬十二月乙巳主薨謚曰
真聖○仁物縣降于弓裔弓裔謂松嶽郡漢
北名郡山水奇秀遂定以為都擊破孔岩黔
浦穴口等城時梁吉猶在北原取國原等三
十餘城有之間弓裔地廣民衆大怒欲以三
十餘城勁兵襲之弓裔先擊大破之

孝恭王

諱曉憲康王之庶子母金氏在位十

新羅真聖女上

壬戌

五年

二年

唐光化元年

春正月王尊母金氏為義明王

太后以舒弗邯俊興為上大等阿飡繼康為

侍中○二月弓裔葺松岳城以王建為精騎

大監伐楊州見州○秋七月弓裔取涇西道

及漢山州管内三十餘城遂移都松嶽郡○

冬十一月弓裔作八關會

三年

唐光化二年

春三月納伊飡又謙之女為妃

○秋七月梁吉忌弓裔貳已與國原等十餘

城主攻之進軍於非惱城下梁吉兵潰走

癸巳

申庚

四年唐光化三年冬十月弓裔遣王建伐廣
州忠州唐城青州槐壤等皆平之國原菁州
槐壤賊帥清吉莘萱等舉城投弓裔弓裔以
建為阿飡○甄萱定都完山稱後百濟王萱
西至完山州民迎勞萱自以為得人心謂左
右曰吾原三國之始馬韓先起赫居後興辰
卞從之百濟開國傳世六百唐與新羅合攻
滅之今予雖不德欲雪義慈宿憤遂都完山
稱王定國號設官分職遣使吳越吳越王報
聘仍加檢校太保餘如故

酉辛

戌壬

癸亥

五年唐天復元年甄萱
弓裔自稱王裔怨宗
國常語人曰新羅請兵於唐滅高勾麗吾必
為高勾麗報讎嘗南行見興州寺壁前王畫
像拔劍擊之○秋八月甄萱寇大耶城不克
移軍錦城掠邊郡而歸
六年唐天復二年甄萱
以大阿飡孝宗為侍
中
七年唐天復三年甄萱
弓裔以王建為靖騎
大監率舟師自西海抵光州界攻錦城等十
餘郡拔之仍改錦城為羅州分軍戍之而還

○弓裔以王建為閔絜弓裔嘗問建以邊事
建悉陳安邊拓境之策弓裔竒之左右亦屬
目

八年

唐天祐元年甄萱

弓裔立國號曰摩震

紀元武泰設百官依國制置廣評省備員曰

匡沈奈即侍中曰徐事即侍郎曰外書即員

外郎又置兵部大龍部壽春部奉賓部義刑

臺納貨府調位府內奉省禁書省南廂壇水

壇元鳳省飛龍省物藏省又置史臺植貨府

障繕府珠淘省又設正匡元補大相元尹佐

尹正朝甫尹單尹中尹等品職○秋七弓裔

定都于鐵圓移青州千戶實之○弓裔來攻

尚州等三十餘邑取之○將軍弘竒以公州

降弓裔泚江道十餘邑亦降

九年

唐天祐二年甄萱

秋七月弓裔改元聖

冊修葺宮室樓臺窮極侈奢分定泚西十三

鎮○平壤城主黔用降弓裔靺城赤衣黃衣

明貴等賊亦降○八月弓裔寇邊邑至竹嶺

東北王患疆場日蹙力不能禦命諸城堅壁

勿戰

十年唐天祐三年三月唐以舉人金文蔚充冊命使而遣之初文蔚入唐登第歷官至工部員外郎沂王府諮議參軍○弓裔遣王建率精騎將軍黔式等領兵三千與甄萱戰于尚州沙火鎮累戰克之弓裔以土地益廣士馬漸強意欲并吞新羅呼為滅都凡自羅歸附者並皆殺之

十一年唐天祐四年後梁太祖開平甄萱八寇取一善以南十餘郡
 十三年後梁開平三年甄萱王建見弓裔日

新羅孝恭五

以驕虐常有志於閩寄會弓裔以羅州為憂令建往鎮之建以舟師次光州益海縣適甄萱遣使入吳越建取其船而還弓裔大喜優加褒獎又遣建修戰艦于貞州以兵二千五百往擊光州玠島郡拔之建進次臯夷島域中望見軍容嚴整自降建推誠撫士威惠並行士卒畏愛咸思奮勇敢境讐服

十四年後梁開平四年甄萱怒錦城投弓裔以步騎三千圍之經旬不解弓裔遣王建發水軍襲擊之建至羅州浦仁萱親率戰

東鑑十一 三十一

朱辛

艦來戰建進軍急擊大破之營以小舸遁歸
建欲留兵戍羅州金言等自以功多無賞頗
解體建曰今主上猜忍嗜殺讒佞浸潤人不
自保與其其在內而受禍孰與在外而圖全也
衆皆然之軍次光州西南界潘南縣浦口縱
謀邏賊時有壓海賊帥能昌與葛草島小賊
嘯聚屯結欲邀建害之建謂知之使死士數
十人環甲持矛乘輕舫夜至渡口伺之獲小
舸乃能昌也擒送弓裔斬之

十五年

後梁乾化元年 甄蓋

王嬖賤妾不恤

新羅孝恭王

政事大臣殷影諫不從影執其妾殺之

權近曰為大臣者君有過則諫之諫而不
聽則去之君雖悅色而不勤政豈可殺其
所悅以弭亂乎孝恭嬖寵妾殷影諫不見
從而殺其妾雖其心出於愛君而其迹未
免乎脅君蓋當其時羅運將衰權奸用事
孝恭特寄生之君耳明年而孝恭薨二十
二年而國祚移悲夫

弓裔改國號泰封改元水德萬歲○弓裔論
錦城功以王建為大阿飡將軍○弓裔自稱

申壬

彌勒佛頭戴金幘身被方袍以長子為青光菩薩季子為神光菩薩出則常騎白馬以綵飾其鬃尾使童男童女奉幡蓋香花前道又命比丘二百餘人梵唄隨後又自述經二十餘卷其言妖妄皆不經之事時或正坐講說僧釋聰謂曰皆邪說怪談不可以訓弓裔怒以鐵椎打殺之

十六年

後梁乾化二年夏四月王薨

十一月弓裔十二年

謚曰孝恭朴景暉立阿達羅王遠孫五月追尊考為宣聖大王母為貞和大后立子昇英

為王太子

臣等按本紀阿達羅王薨無嗣國人立脫

解王孫伐休為王今以景暉為阿達羅王遠孫未可詳也

神德王

諱景暉姓朴氏父又兼事定康王為大阿飡孝恭無嗣國人推戴立之在位五年

癸酉

二年

後梁末帝仍稱乾化二年夏四月王薨

建屢著邊功累階為波珎粲兼侍中以名之

水軍之務盡委副將金言等而征討之事必令稟建行之於是建位冠百僚然非素志且畏讒不樂居位每出入公門平章國計惟抑情謹慎務得衆心好賢嫉惡每見人彼讒輒悉解釋有青州人阿志泰本諂詐見弓裔喜讒乃誣譖同州人笠全辛方寬舒等有司鞫之數年未決建立辨之志泰以誣伏辜衆情稱快一時人心皆屬建建懼禍及復求閩外三年後梁乾化四年甄萱二弓裔以王建為百船將軍領水軍鎮羅州甄萱及海上諸賊

新羅神德王

皆懾伏莫敢動建還告弓裔以舟楫之利應變之宜弓裔喜謂左右曰我諸將中誰可比擬王將軍者乎四年後梁貞明元年甄萱二夏六月槩浦水與東海水相擊浪高二丈三日而止○弓裔殺其妻康氏康氏以弓裔多行非法正色諫之弓裔惡之曰汝與他人奸何耶康氏曰安有此事弓裔曰我以神通觀之以烈火燒鐵杵撞其陰殺之並其兩兒時弓裔誣構叛罪日殺數百將相遇害者十有八九常自云

我得彌勒觀心法能知婦人淫私若有觀我
觀心者便行峻法遂鍛造三尺鐵杵有欲殺
者燒之以撞其陰煙出口鼻死由是士女駭
慄怨憤日甚一日急召王建入內弓裔方檢
點彼殺者所沒金銀寶器床帳之具怒目熟
視建曰卿昨夜聚眾謀叛何耶建顏色自若
輒然而笑曰烏有是哉弓裔曰卿莫給我我
能觀心所以知也我將入定以觀了說其事
乃合眼負手仰天良久時掌奏崔凝在側伴
墜筆下庭取之因趨過建微語曰不服則危

丙子 丁丑

建乃悟曰臣實謀叛罪當死弓裔大笑曰卿
可謂直也即以金銀粧鞍轡賜之曰卿勿復
誑我遂以步將康瑄詰黑湘金村瑗等副建
增治舟舸百餘艘大船十數各方十六步上
起樓櫓可以馳馬領軍三千餘人載糧餉往
羅州是歲南方饑饉草竊蜂起戌卒皆食半
菽建盡心救恤賴以全活

五年後梁貞明二年甄萱寇
大耶城不克

六年後梁貞明三年甄萱二
秋七月王薨大

子昂英立上謚曰神德○八月以弟伊飡魏膺為上大等大阿飡裕廉為侍中

東國通鑑卷之十一

